

საოჯახო მედიცინის დეპარტამენტი



დეპარტამენტის ხელმძღვანელი,
პროფესორი გივი ჯავაშვილი



ასოცირებული პროფესორი - ნინო კიკნაძე



დანიშნულება, მიზანი და საქმიანობის სფერო

თბილისის სახელმწიფო სამედიცინო უნივერსიტეტის საოჯახო მედიცინის დეპარტამენტი წარმოადგენს საქართველოში პირველ აკადემიურ სტრუქტურას უმაღლესი სამედიცინო განათლების სფეროში რომლის ძირითადი დანიშნულებაც "საოჯახო მედიცინის" როგორც აკადემიური დისციპლინის დამკვიდრება და განვითარება.

ამასთან, ოჯახის ექიმის საქმიანობისა და პროფესიული კომპეტენციის თავისებურებებიდან გამომდინარე, საოჯახო მედიცინას შეუძლია მნიშვნელოვანი წვლილი შეიტანოს ახალგაზრდა მედიკოსების ექიმად ჩამოყალიბების პროცესში. აქედან გამომდინარე, საოჯახო მედიცინის დეპარტამენტი მიზნად ისახავს სტუდენტებისათვის ფუნდამენტური პროფესიული ღირებულებების ჩამოყალიბებას და უნარ-ჩვევების გამომუშავებას, როგორცაა პაციენტისა და მისი ავტონომიის პატივისცემა, პაციენტზე ორიენტირებული მიდგომის გამოყენება, პაციენტის პირადი ცხოვრებისა და ავტონომიის დაცვა, პაციენტის ჩართვა გადაწყვეტილების მიღების პროცესში, ბიოფსიქოსოციალური მიდგომის გამოყენება, გუნდური მუშაობა, კოლეგების პატივისცემა და მათთან თანამშრომლობა და სხვ.

საოჯახო მედიცინის ცენტრისა და დეპარტამენტის საქმიანობა შემდეგ კომპონენტებს მოიცავს:

- სწავლება დიპლომამდელი განათლების ეტაპზე (მედიცინისა და საზოგადოებრივი ჯანდაცვის ფაკულტეტები);
- სწავლება დიპლომის შემდგომი მზადების/განათლების ეტაპზე სპეციალობაში „საოჯახო მედიცინა“;
- ოჯახის ექიმთა მასწავლებლების მზადება;
- სწავლება უწყვეტი სამედიცინო განათლების პროგრამების ფარგლებში.

დეპარტამენტის ჩამოყალიბების შესახებ

თბილისის სახელმწიფო სამედიცინო უნივერსიტეტის საოჯახო მედიცინის დეპარტამენტი თავდაპირველად ჩამოყალიბდა 2001 წელს საქართველოს სახელმწიფო სამედიცინო აკადემიის ფარგლებში, აკადემიის რექტორის 2001 წლის 25 ივლისის #50 ბრძანების საფუძველზე, საოჯახო მედიცინის ფაკულტეტისა და საოჯახო მედიცინის კათედრის სახით. აკადემიის ფარგლებში საოჯახო მედიცინის

ფაკულტეტი და კათედრა ფოკუსირებული იყო ოჯახის ექიმთა დიპლომის შემდგომ განათლებასა და უწყვეტ პროფესიული განვითარებაზე.

2006 წელს საქართველოს სახელმწიფო სამედიცინო აკადემიის თბილისის სახელმწიფო სამედიცინო უნივერსიტეტთან შერწყმის შემდეგ საოჯახო მედიცინის ფაკულტეტი და კათედრა ჩამოყალიბდა თსუ საოჯახო მედიცინის ცენტრისა და დეპარტამენტის სახით.

თბილისის სახელმწიფო სამედიცინო უნივერსიტეტის ფარგლებში საოჯახო მედიცინის დეპარტამენტის კომპეტენცია გაფართოვდა და შესაძლებელი გახდა საოჯახო მედიცინის, როგორც აუცილებელი სასწავლო დისციპლინის დამკვიდრება დიპლომამდელი განათლების ეტაპზე. დეპარტამენტს აქვს უნარ-ჩვევების სწავლების საკმაოდ ფართო რესურსი, რომელსაც არაოფიციალურად „უნარ-ჩვევების“ ლაბორატორიას ვუწოდებთ.

დიპლომამდელი განათლება

საქართველოში დიპლომამდელ ეტაპზე საოჯახო მედიცინის, როგორც აკადემიური დისციპლინის სწავლება არ ხდებოდა 2006 წლამდე.

2006 წელს თსუ საოჯახო მედიცინის დეპარტამენტში შეიქმნა სასწავლო პროგრამა მედიცინის ფაკულტეტის VI კურსის სტუდენტებისათვის „საოჯახო მედიცინა“, რომლის განხორციელება იმავე წლის შემოდგომის სემესტრში დაიწყო (2006 წლის ოქტომბერი).

2007 წლის გაზაფხულის სემესტრიდან ხორციელდება სასწავლო პროგრამა მედიცინის ფაკულტეტის II კურსის სტუდენტებისათვის, რომელიც სტუდენტების კლინიკასთან ადრეული შეხების კონტექსტში განიხილება. 2011 წლიდან საგნის დასახელებაა „კომუნიკაციის უნარ-ჩვევები (პირველად ჯანდაცვაში)“

2007 წელს მომზადდა სასწავლო პროგრამა საზოგადოებრივი ჯანდაცვის ფაკულტეტის III კურსის სტუდენტებისათვის, რომელიც იმავე წლის ოქტომბერში ამოქმედდა.

2011 წლიდან დეპარტამენტი ჩაერთო I კურსის სტუდენტების სწავლებაში სასწავლო პროგრამით „კომუნიკაციის უნარ-ჩვევები-1“, რომელიც, მსგავსად II კურსის მოდულისა, სტუდენტების კლინიკასთან ადრეული შეხების კონტექსტში განიხილება.

2011 წლიდან საზოგადოებრივი ჯანდაცვის ფაკულტეტის სტუდენტებისთვის სწავლება ორ სემესტრზე გავრცელდა – IV და V სემესტრები.

ამრიგად, საოჯახო მედიცინის დეპარტამენტი დიპლომამდელი სწავლების ეტაპზე წარმართავს 5 სასწავლო კურსს:

- მედიცინის ფაკულტეტის I კურსის სტუდენტებისათვის – „კომუნიკაციის უნარ-ჩვევები-1“;
- მედიცინის ფაკულტეტის II კურსის სტუდენტებისათვის – „კომუნიკაციის უნარ-ჩვევები პირველად ჯანდაცვაში“;
- მედიცინის ფაკულტეტის VI კურსის სტუდენტებისათვის – „საოჯახო მედიცინა“;
- საზოგადოებრივი ჯანდაცვის ფაკულტეტის II კურსის სტუდენტებისათვის – „საოჯახო მედიცინა“;
- საზოგადოებრივი ჯანდაცვის ფაკულტეტის III კურსის სტუდენტებისათვის – „პრაქტიკა პირველად ჯანდაცვაში“.

დიპლომისშემდგომი განათლება

სრულვადიანი პროგრამა - რეზიდენტურა

ოჯახის ექიმთა მზადების პროგრამა სრულვადიანი რეზიდენტურის პროგრამის თავდაპირველი ვერსია 2002 წელს მომზადდა (ხანგრძლივობა 30 თვე) და პირველი რეზიდენტები 2003 წელს ჩაირიცხა.

დიპლომისშემდგომი მზადების ახალი სრულვადიანი პროგრამა მომზადდა საოჯახო მედიცინის სწავლების სფეროში საერთაშორისოდ აღიარებული ექსპერტების მონაწილეობით – ოჯახის ექიმთა ევროპული აკადემიის პრეზიდენტი ეგლე ჟებიენე (ლიტვა), ოჯახის ექიმთა მსოფლიო ასოციაციის ევროპული ორგანიზაციის პრეზიდენტი პროფესორი იგორ შვაბი (სლოვენია), პროფესორი ჯასტინ ალენი (დიდი ბრიტანეთი) და პროფესორი ადამ ვინდაკი (პოლონეთი).

პროგრამა განახლა 2-ჯერ 2007 და 2013 წელს. პროგრამა ამჟამად 33 თვეს მოიცავს და 3 ძირითად ეტაპად არის დაყოფილი:

ეტაპი	დასახელება	ხანგრძლივობა: თვე
I	საოჯახო მედიცინის შესავალი კურსი	6 თვე
II	როტაციები კლინიკებში	17 თვე
III	საოჯახო მედიცინის სპეციალიზებული კურსი	10 თვე
შვებულებები	3 თვე	

2016 წლის აკრედიტაციის მიხედვით თსსუ-ის რეზიდენტურის პროგრამა აკრედიტებულია 40 მაძიებელზე.

მოკლევადიანი პროგრამა, ე.წ. „გადამზადება“ სპეციალობაში საოჯახო მედიცინა

ოჯახის ექიმთა მოკლევადიანი რეზიდენტურის პროგრამა - გადამზადება, მოიცავს 940 აკადემიურ საათს და 6 თვეს გრძელდება.

მზადების მსურველებმა უნდა მიმართონ თსუ საოჯახო მედიცინის ცენტრს პირადად, ან ტელეფონის, ან ელ-ფოსტის საშუალებით – იხ. „საკონტაქტო ინფორმაცია“.

საერთაშორისო თანამშრომლობა

თსუ საოჯახო მედიცინის ცენტრი და დეპარტამენტი ჩართულია მრავალ საერთაშორისო პროექტში.

სხვადასხვა დროს ცენტრისა და დეპარტამენტის პარტნიორები იყვნენ და არიან:

- ოჯახის ექიმთა მასწავლებლების ევროპული აკადემია;
- ლიტვის ოჯახის ექიმთა მასწავლებლების საზოგადოება;
- ვილნიუსის უნივერსიტეტი;
- კლაიპედის უნივერსიტეტი;
- ამსტერდამის თავისუფალი უნივერსიტეტი;
- ამერიკის ოჯახის ექიმთა აკადემია
- ამერიკაში დაფუძნებული მოძრაობა „გულისხმიერი ექიმები“ (Physicians with Heart)

უნარ-ჩვევების ლაბორატორია

თსუ საოჯახო მედიცინის დეპარტამენტის უნარ-ჩვევების ლაბორატორია უნიკალურია თავისი დანიშნულებით და ასათვისებელი უნარ-ჩვევების ფართო

სპექტრით. იგი მოიცავს 30-მდე ტიპის 50-ზე მეტ მულაქსა და სიმულატორს. მისი ძირითადი მიზანია ოჯახის ექიმებისათვის აუცილებელი პრაქტიკული უნარ-ჩვევების ათვისება და დახვეწა.

აკადემიური პერსონალი და მოწვეული პედაგოგები

გივი ჯავაშვილი - პროფესორი, დეპარტამენტის ხელმძღვანელი, **ნინო კიკნაძე**

- ასოცირებული პროფესორი; **გურამ კიკნაძე** - პროფესორი ემერიტუსი;

მოწვეული პედაგოგები: **თამარ მელიქიძე**, **ქეთევან ხეცურიანი**, **ნინო**

გელაშვილი, **თამთა ჯოჯუა**, **ზაზა მაკარიძე**.

დეპარტამენტთან ასევე თანამშრომლობს უნივერსიტეტთან ასოცირებული კლინიკების „კურაციო“ და „მედიკორი“ ოჯახის ექიმები.

საკონტაქტო ინფორმაცია

თბილისის სახელმწიფო სამედიცინო უნივერსიტეტის საოჯახო მედიცინის დეპარტამენტი

თბილისი-0179

ვაჟა ფშაველას გამზირი #29a, თსუ I კორპუსი

ტელ.: (+995 32) 254-25-56, 254-25-57, 254-25-69,

ფაქსი: (+995 32) 254-25-57

ელ-ფოსტა: gjavashvili@tsmu.edu

